

Disediakan untuk : \_\_\_\_\_

Tarikh Dicetak : \_\_\_\_\_

### Lembaran Pendedahan Produk

(Sila baca lembaran pendedahan produk ini sebelum anda membuat keputusan untuk membeli Insurans Motosikal Plus. Pastikan juga anda telah membaca terma-terma dan syarat-syarat am).

**Penyedia Khidmat Kewangan : Allianz General Insurance (Company) Malaysia Berhad ("Kami")**  
**Nama Produk : Motosikal Plus**

#### 1. Apakah produk ini?

Motosikal Plus menyediakan perlindungan seperti berikut:

##### Perlindungan Komprehensif

Polisi ini memberi perlindungan ke atas kemalangan atau kerosakan kebakaran atau kecurian kenderaan Anda, liabiliti ke atas pihak lain untuk kecederaan badan atau kematian, kerosakan harta pihak lain, bencana khas, pendapatan hospital dan kematian/hilang upaya kekal.

##### Perlindungan Pihak Ketiga

Polisi ini memberi perlindungan liabiliti ke atas pihak lain untuk kecederaan badan atau kematian, kerosakan harta pihak lain dan perlindungan tambahan untuk anda bagi kematian/hilang upaya kekal dan pendapatan hospital.

#### 2. Apakah perlindungan/manfaat yang disediakan?

Perlindungan	Motosikal Komprehensif	Motosikal Plus Komprehensif
<b>Kehilangan atau kerosakan terhadap kenderaan sendiri disebabkan kemalangan, kebakaran atau kecurian</b>	✓	✓
<b>Kematian pihak ketiga atau kecederaan badan</b>	✓	✓
<b>Kehilangan atau kerosakan harta terhadap pihak ketiga</b>	✓	✓
<b>Bencana Khas</b> (bagi motosikal 250cc dan ke bawah sahaja)		✓
* <b>Kematian/Hilang Upaya Kekal</b> (bagi motosikal 250cc dan ke bawah sahaja)		✓
* <b>Pendapatan Hospital</b> (bagi motosikal 250cc dan ke bawah sahaja)		✓
* <u>Hanya diguna pakai kepada pemilik berdaftar Motosikal yang merupakan individu dan bukan badan korporat.</u>		

##### Perlindungan Komprehensif

- Kehilangan atau kerosakan terhadap kenderaan sendiri disebabkan kemalangan, kebakaran atau kecurian;
- Kematian pihak ketiga atau kecederaan badan;
- Kehilangan atau kerosakan harta terhadap pihak ketiga;
- Bencana Khas (bagi motosikal 250cc dan ke bawah sahaja) – untuk perbelanjaan yang dilakukan untuk membaiki motosikal Anda akibat bahaya khas seperti banjir, taufan, ribut, letusan gunung berapi, gempa bumi, tanah runtuh, gelinciran tanah, penurunan atau penenggelaman tanah ataupun konvulsi semula jadi yang lain;
- \*Pendapatan Hospital (bagi motosikal 250cc dan ke bawah sahaja) - jika anda dimasukkan hospital disebabkan kecederaan yang dialami akibat Kemalangan Motosikal Anda;
- \*Kematian/Hilang Upaya Kekal (bagi motosikal 250cc dan ke bawah sahaja) – jika anda mengalami kematian atau hilang upaya kekal akibat kemalangan semasa menunggang motosikal Anda;
- \*Manfaat Pendapatan Hospital dan kematian/hilang upaya kekal (bagi motosikal 250cc dan ke bawah sahaja) kepada pembonceng anda disebabkan kecederaan dialami semasa perjalanan dengan motosikal anda.

### Perlindungan Pihak Ketiga

- Kematian pihak ketiga atau kecederaan badan;
- Kehilangan atau kerosakan harta terhadap pihak ketiga;
- \*Pendapatan Hospital untuk anda (bagi motosikal 250cc dan ke bawah sahaja) - jika anda dimasukkan hospital disebabkan kecederaan yang dialami akibat kemalangan motosikal anda;
- \*Manfaat Kematian/Hilang Upaya Kekal untuk anda (bagi motosikal 250cc dan ke bawah sahaja) - jika anda mengalami kematian/hilang upaya kekal akibat kemalangan motosikal anda;
- \*Manfaat Pendapatan Hospital dan Kematian/Hilang Upaya Kekal (bagi motosikal 250cc dan ke bawah sahaja) kepada pembonceng anda disebabkan kecederaan dialami semasa perjalanan dengan motosikal anda.

Nota: Sila rujuk kontrak polisi untuk maklumat lengkap, manfaat dan jadual manfaat.

Manfaat pilihan (jika ada) anda boleh beli dengan membayar premium tambahan:

### Perlindungan Komprehensif

- Mogok, Rusuhan atau Kekacaun Awam;
- Liabiliti dari Segi Undang-undang terhadap Pembonceng;
- Perluasan Perlindungan ke Thailand dan Kalimantan.

### Perlindungan Ketiga

- Liabiliti dari Segi Undang-undang terhadap Pembonceng;
- Perluasan Perlindungan ke Thailand dan Kalimantan.

*Senarai ini tidak lengkap. Sila rujuk kepada cawangan/atau wakil insurans untuk senarai penuh bagi perlindungan pilihan yang tersedia.*

#### NOTA:

- (i) Adalah satu kesalahan di bawah undang-undang Republik Singapura untuk memasuki negara tersebut tanpa perlindungan liabiliti penumpang di dalam insurans kenderaan anda;
- (ii) Tempoh perlindungan adalah 1 tahun. Anda perlu memperbaharui perlindungan insurans setiap tahun.

### 3. Berapakah premium yang perlu saya bayar?

Jumlah premium yang anda perlu bayar bergantung pada keupayaan enjin, nilai insurans kenderaan anda, kelayakan diskau tanpa tuntutan (NCD) dan keperluan pengunderitan syarikat insurans.

- Perlindungan normal: RM\_\_\_\_\_ premium untuk jumlah yang diinsuranskan RM\_\_\_\_\_.
- Perlindungan tambahan: RM\_\_\_\_\_.
- Anggaran jumlah premium yang anda perlu bayar adalah: RM\_\_\_\_\_.

### 4. Apakah yuran dan bayaran yang saya perlu bayar?

Jenis	Amaun
● Komisen dibayar kepada pengantara insurans (jika ada)	● 10% daripada premium kasar
● Duti Setem	● RM10.00
● Cukai Perkhidmatan	● 8% of daripada premium

\*Amaun Cukai Perkhidmatan ("CP") di sini mungkin tertakluk kepada perubahan kerana kadar CP yang digunakan hendaklah berdasarkan kadar semasa mengikut undang-undang Malaysia.

## 5. Apakah terma dan syarat utama yang saya harus ketahui?

- **Kepentingan pendedahan**

- **Kontrak Insurans Pengguna**

Menurut Perenggan 5 Jadual 9 di bawah Akta Perkhidmatan Kewangan 2013, sekiranya anda memohon Insurans ini sepenuhnya bagi tujuan yang tidak berkaitan dengan perdagangan, perniagaan atau profesion anda, anda mempunyai kewajipan mengambil penjagaan munasabah supaya tidak membuat salah nyataan semasa menjawab soalan-soalan di dalam Borang Cadangan dan/atau semua soalan-soalan yang dikehendaki oleh Syarikat dengan penuh dan tepat dan mendedahkan apa-apa perkara lain yang anda ketahui berkaitan dengan keputusan Kami dalam menerima risiko dan dalam menentukan kadar dan terma yang hendak dipakai, jika sebaliknya ini boleh menyebabkan kontrak terbatal, penolakan atau pengurangan tuntutan, penukaran terma atau penamatan kontrak.

- **Kontrak Insurans Bukan Pengguna**

Menurut Perenggan 4(1) Jadual 9 di bawah Akta Perkhidmatan Kewangan 2013, sekiranya anda memohon Insurans bagi tujuan berkaitan dengan perdagangan, perniagaan atau profesion anda, anda mempunyai kewajipan untuk mendedahkan apa-apa perkara yang anda ketahui sebagai berkaitan dengan keputusan Kami dalam menerima risiko dan dalam menentukan kadar dan terma yang hendak diguna pakai dan apa-apa perkara yang seorang yang munasabah dalam hal keadaan itu boleh dijangka untuk tahu sebagai berkaitan, jika sebaliknya ini boleh menyebabkan kontrak terbatal, penolakan atau pengurangan tuntutan, penukaran terma atau penamatan kontrak.

Kewajipan pendedahan ini bagi Kontrak Insurans Pengguna dan Bukan Pengguna akan berterusan sehingga masa kontrak tersebut dibuat, diubah atau diperbaharui. **Anda juga mempunyai kewajipan memaklumkan kepada Kami dengan segera sekiranya pada bila-bila masa, selepas kontrak insuran dibuat, diubah atau diperbaharui dengan pihak Kami, sebarang maklumat yang diberikan adalah tidak tepat atau telah berubah.**

- Anda harus memastikan jumlah yang diinsuranskan adalah berpatutan;
- Ekses Wajib dan Ekses lain ialah jumlah yang perlu ditanggung oleh pemegang polisi jika berlaku tuntutan;
- Pembayaran sebelum perlindungan – Premium hendaklah dibayar dan diterima oleh Allianz General Insurance Company (Malaysia) Berhad sebelum perlindungan sah. Insurans secara automatik akan menjadi tak sah dan tak laku jika syarat ini tidak dipenuhi.

## 6. Apakah pengecualian utama di bawah polisi ini?

Polisi ini tidak melindungi kerugian tertentu seperti:

- Liabiliti dari Segi Undang-undang terhadap Pembonceng;
- Liabiliti Anda terhadap tuntutan daripada Pembonceng yang menaiki kenderaan Anda;
- Penunggang tidak sah;
- Pembunuhan provokasi atau penyerangan.

*Nota: Senarai ini bukannya lengkap. Sila rujuk kepada polisi untuk senarai penuh bagi pengecualian di bawah polisi ini.*

## 7. Bolehkah saya membatalkan polisi ini?

Anda boleh membatalkan polisi ini pada bila-bila masa dengan memberi notis bertulis kepada syarikat insurans. Selepas pembatalan, anda layak mendapat pemulangan premium berdasarkan pro-rata jika kenderaan anda telah diinsuranskan secara berterusan untuk lebih dari 12 bulan atau pada kadar tempoh singkat jika kenderaan anda tidak diinsuranskan secara berterusan untuk lebih daripada 12 bulan dengan Syarikat yang sama. Mana-mana premium minimum yang dibayar dibawah polisi ini tidak boleh dipulangkan sama sekali. Pemulangan premium adalah dibenarkan jika tiada sebarang tuntutan dibuat sepanjang Tempoh Insurans semasa.

**Allianz General Insurance Company (Malaysia) Berhad (200601015674)**  
(Berlesen di bawah Akta Perkhidmatan Kewangan 2013 dan dikawal oleh Bank Negara Malaysia)

Tidak ada pemulangan premium bagi sebarang pembatalan Polisi oleh anda jika pembatalan melebihi 8 bulan seperti lampiran jadual dibawah.

Tempoh Insurans	Kadar Bayaran Balik Premium
Tidak melebihi 1 minggu	87.5% daripada premium tahunan
Tidak melebihi 1 bulan	75.0% daripada premium tahunan
Tidak melebihi 2 bulan	62.5% daripada premium tahunan
Tidak melebihi 3 bulan	50.0% daripada premium tahunan
Tidak melebihi 4 bulan	37.5% daripada premium tahunan
Tidak melebihi 6 bulan	25.0% daripada premium tahunan
Tidak melebihi 8 bulan	12.5% daripada premium tahunan
Melebihi 8 bulan	Pemulangan premium tidak dibenarkan

**8. Apakah yang harus saya lakukan jika terdapat perubahan dalam butiran untuk dihubungi atau peribadi saya?**

Adalah penting bagi anda untuk memaklumkan pihak Kami tentang sebarang perubahan mengenai maklumat anda bagi memastikan semua surat-menyurat dapat disampaikan kepada anda tepat pada masanya.

**9. Di manakah saya boleh dapatkan maklumat dengan lebih terperinci?**

Sekiranya anda memerlukan maklumat tambahan tentang insurans motor, anda boleh menghubungi Kami atau mana-mana cawangan Kami atau layari [www.allianz.com.my](http://www.allianz.com.my)

Jika anda mempunyai sebarang pertanyaan, sila hubungi Kami di:

**Pusat Khidmat Pelanggan Allianz**

Allianz Arena  
Ground Floor, Block 2A, Plaza Sentral  
Jalan Stesen Sentral 5, Kuala Lumpur Sentral  
50470 Kuala Lumpur.  
Pusat Hubungan Pelanggan Allianz: 1 300 22 5542  
E-mel: [customer.service@allianz.com.my](mailto:customer.service@allianz.com.my)  
  AllianzMalaysia  
 [allianz.com.my](http://allianz.com.my)

**10. Lain-lain jenis insurans motor yang tersedia:**

- Perlindungan Motosikal Komprehensif;
- Perlindungan Motosikal Pihak Ketiga, Kebakaran dan Kecurian.

**NOTA PENTING:**

**ANDA PERLU MEMASTIKAN KENDERAAN ANDA DIINSURANSKAN DENGAN JUMLAH YANG SEPATUTNYA KERANA MELIBATKAN JUMLAH TUNTUTAN YANG ANDA BOLEH TUNTUT. ANDA HENDAKLAH MEMBACA DAN MEMAHAMI POLISI INSURANS DAN BERBINCANG DENGAN PENGANTARA INSURANS ANDA ATAU HUBUNGI TERUS UNTUK KETERANGAN LANJUT.**

Manfaat-manfaat yang dibayar di bawah produk yang layak adalah dilindungi oleh PIDM sehingga had perlindungan. Sila rujuk Brosur Sistem Perlindungan Manfaat Takaful dan Insurans PIDM atau hubungi Allianz General Insurance Company (Malaysia) Berhad atau PIDM (layari [www.pidm.gov.my](http://www.pidm.gov.my)).

Informasi yang disediakan ini sah laku dari 01/03/2024.